

MALI I ZI

KOMUNA E TUZIT

Komisioni për shpërndarjen e mjeteve për përkrahjen e afarizmit të grave

Broj:01-306/25-8103/2

Tuzi, 10.11. 2025.

Në bazë të nenit 3 dhe nenit 5, paragrafit 3, alinesë 1 të Vendimit për kriteret, mënyrën dhe procedurën e shpërndarjes së mjeteve për mbështetjen e afarizmit të gruas ("Fleta zyrtare e Malit të Zi – dispozitat komunale", nr. 23/22 dhe 037/24) , Komisioni për shpërndarjen e mjeteve për mbështetjen e afarizmit të gruas shpallë:

KONKURS PUBLIK

për shpërndarjen e mjeteve nga buxheti i komunës së Tuzit të parapara për përkrahjen e afarizmit të grave

- I.** Ftohen afaristet dhe shoqëritë në të cilat gratë janë pronare biznesi - themeluese ose një prej themeluesve dhe drejtore ekzekutive të shoqërisë (në tekstin e mëtejme: shoqëri/afariste me seli gjegjësisht vendbanim në territorin e komunës së Tuzit më gjatë se gjashtë muaj nga dita e publikimit të Konkursit Publik) të aplikojnë në Konkursin Publik për shpërndarjen e mjeteve buxhetore të komunës së Tuzit dedikuar grave që dëshirojnë të fillojnë apo zhvillojnë biznesin e tyre.
- II.** Nëse aplikuesja e planit të biznesit nuk e ka të regjistruar veprimtarinë e vet, në rast të miratimit të mjeteve, ajo duhet të regjistrojë veprimtarinë e saj në njërin nga format e organizimit të parapara me Ligjin për Shoqëritë Afariste, ose në mënyrën e përcaktuar me rregullat e veprimtarive që ajo synon të angazhohet (artizanë, bujqësi, etj.), jo më vonë se data e nënshkrimit të Kontratës.
- III.** Mjetet e ndara me buxhetin e Komunës së Tuzit ndahen për planet e biznesit të cilin kontribuojnë në realizimin e qëllimeve të caktuara nga dokumentet strategjike, planet dhe programet e Komunës së Tuzit përmes të cilave:
 - nxitet zhvillimi ekonomik i komunës së Tuzit ;
 - nxitet zhvillimi i bujqësisë dhe zonës rurale (duke përmirësuar blegtorinë, frutikulturën, vreshtarinë, bujqësinë, perimtarinë, zbatimin e programeve në zonat rurale, mbrojtjen e tokës bujqësore, shfrytëzimin e tokës pjellore);
 - nxitet zhvillimi i prodhimit bujqësor organik;
 - krijohen kushtet dhe nxitet zhvillimi i turizmit;
 - nxitet zhvillimi i gjuetisë dhe peshkimit;
 - kontribuon në afirmimin dhe valorizimin e potencialit kulturor, traditës dhe veçantisë kulturore të komunës, duke ngritur nivelin e kulturës urbane dhe ruajtjen e trashëgimisë kulturore;
 - nxitet zhvillimi i kulturës fizike dhe sportit;
 - kontribuon në ruajtjen e ambientit dhe zhvillimit të qëndrueshëm.

IV. Komuna e Tuzit ndan 50,000.00€ për Konkursin Publik për shpërndarjen e mjeteve nga Buxheti i Komunës së Tuzit për mbështetjen e afarizmit të gruas në vitin 2025.

Shuma maksimale e mjeteve të ndara sipas planit të biznesit nuk mund të jetë më shumë se 25% e shumës totale të paraparë nga Buxheti i Komunës së Tuzit për mbështetjen e afarizmit të gruas.

Një shoqëri/afariste mund të konkurrojë me maksimum dy plane biznesi dhe mund të mbështetet vetëm nga një plan biznesi.

Shoqëria/afaristja mund të aplikojë për shumën totale (deri në 25% të totalit të mjeteve të planifikuara) ose për një pjesë të mjeteve për realizimin e aktiviteteve nga plani i biznesit dhe është i detyruar ta tregojë këtë.

V. Konkursi Publik për ndarjen e mjeteve është i hapur 30 ditë prej ditës së publikimit.

VI. Kërkesa i shkon Komisionit dhe dorëzohet në zyrën e arkivit të komunës së Tuzit.

Në një zarf të mbyllur, afaristet/shoqëria që fillojnë një biznes duhet të dorëzojnë:

- fletëparaqitje për ndarjen e mjeteve të pakthyeshme;
- planin e biznesit;
- një kopje të vertetuar të letrës së njoftimit;
- shkresa e propozimeve ose qëllimeve;
- biznes planin në tri forma të shtypura dhe një në CD ose USB;

Në një zarf të mbyllur afaristet/shoqëria që planifikojnë zgjerimin e biznesit dorëzojnë:

- aplikimin për ndarjen e mjeteve të pakthyeshme;
- planin e biznesit;
- një kopje të vertetuar të letrës së njoftimit;
- vërtetim i mos dënimit për vepra penale kundër ekonomisë dhe vepra penale kundër pasurisë;
- shkresa e propozimeve ose qëllimeve;
- biznes planin në tri forma të shtypura dhe një në CD ose USB;
- aktvendimi mbi regjistrimin e përdoruesit përfundimtar në RQSA regjistrin qendror të subjekteve afarist ;
- aktvendimi mbi regjistrimin për TVSH nëse është përdorues përfundimtar detyrues i TVSH-së
- statuti i vlefshëm i shoqërisë
- kopja ose origjinali i nënshkrimeve të vërtetuara të personave të autorizuar dhe kartoni i vlefshëm i nënshkrimeve të deponuara
- vërtetimi i administratës së të ardhurave dhe doganave të Malit të Zi mbi shlyerjen e rregullt të detyrimeve taksave dhe kontributeve jo më të vjetër se 30 ditës
- kompletin e formulareve për llogaritë vjetore - bilanci i gjendjes, bilanci i suksesit, bruto bilanci (fleta përfundimtare), analitika e klientit dhe furnizuesit për vitin e kaluar, me përjashtim të afaristeve që nuk janë të obliguar të përgatisin raporte financiare.
- formulari përkatës për muajin e fundit të pagesës së taksave dhe kontributeve për punonjësit, i vërtetuar nga Administrata e të Ardhurave dhe doganave të Malit të Zi si vërtetim i numrit të të punësuarve.

VII. Plani i biznesit duhet të përmbajë:

1. Të dhënat bazë; Përmbledhja; Misioni dhe qëllimi i projektit; Të dhënat e ndërmarrjes; Analiza e veprimtarisë së deritanishme
2. Analiza e tregut; Tregu i shitjeve; Tregu i blerjeve; Analiza e konkurrencës
3. Produkti, programi i prodhimit
4. Struktura e punësimit dhe kualifikimit
5. Lokacioni
6. Llogaria e investimeve investuese
7. Burimet e financimit
8. Shpenzimet e biznesit

Kostot e investimit: Amortizimi; Mirëmbajtja e investimeve; interesi; Sigurimi.

Shpenzimet rrjedhëse: Shpenzimet materiale; Llogaritja e fitimeve bruto; Shpenzimet e tjera jo materiale.

9. Përfundimi dhe dokumentacion përcjellës

VIII. Planet e biznesit që nuk do të mbështeten janë:

- Aktivitetet që janë nën juridiksionin ose përgjegjësinë e Qeverisë, si arsimi formal, kujdesi shëndetësor formal, etj.;
- Përdoruesit e mjeteve nga Konkursi Publik i vitit të kaluar;
- Planet e biznesit që kërkojnë burime financiare për blerjen dhe shpërndarjen e ndihmave humanitare;
- Planet e biznesit që bazohen ekskluzivisht në krijimin, përgatitjen dhe shtypjen e njëhershme të librave, broshurave, buletineve, revistave dhe të ngjashme, nëse publikimi i botimeve të tilla nuk është pjesë e një programi më të gjerë apo aktiviteteve më gjithëpërfshirëse dhe të vazhdueshme;
- Veprimtari që konsiderohet e paligjshme ose e dëmshme për mjedisin dhe e rrezikshme për shëndetin e njeriut: lojërat e fatit, duhani, pijet alkoolike (me përjashtim të prodhimit të verës dhe rakisë së frutave);
- Aktivitetet e pamoralshme dhe të jashtëligjshme.

Përderisa afaristja/shoqëria i ka shfrytëzuar mjetet në bazë të Konkursit Publik të komunës së Tuzit në vitin e mëparshëm, mbi këtë bazë, nuk mund të marrin pjesë në Konkursin Publik për 5 vitet e ardhshme.

IX. Komisioni shpërndan mjetet në bazë të aplikacioneve të pranuar për Konkursin Publik, duke marrë parasysh kriteret e përcaktuara në nenin 19 të Vendimit për kriteret, metodat dhe procedurat për shpërndarjen e mjeteve për mbështetjen e afarizmit të grave ("Fleta zyrtare e Malit të Zi – dispozitat komunale", numër 23/22 dhe 037/24), përkatësisht:

Kriteret pozitive janë:

- 1) Lidhja e planit të biznesit me fushat e renditura në nenin 10 të këtij vendimi;
- 2) Preferenca u jepet fillestareve, për fillimin e një biznesi - START UP;
- 3) Përparësi kanë shoqëritë/afaristet, plani i biznesit të të cilave përfshin punësimin e personave nga territori i komunës së Tuzit;
- 4) Plani i biznesit ofron të gjithë informacionin që është i nevojshëm për fillimin, drejtimin e një biznesi dhe funksionimin e suksesshëm të tij në të ardhmen;
- 5) Plani i biznesit ofron propozime për financimin e idesë së biznesit nga burimet e veta dhe/ose të tjera financimi;
- 6) Aspekti inovativ i planit të biznesit;
- 7) Lidhja e planit të biznesit me aktivitetet e mëparshme të afaristes /shoqërisë;

8) Informacioni mbi afaristen/shoqërinë , punëson një numër të madh njerëzish, ka kapacitete të zhvilluara dhe ka arritur rezultate;

Kriteret eliminuese janë:

1) Mungesa e kushteve formale për kandidaturën e planit të biznesit (dokumentacion i paplotë ose i pasaktë);

2) Plani i biznesit joadekuat (nuk korrespondon me përmbajtjen e propozuar nga pika VII)

X. Kërkesa për Konkursin Publik i dorëzohet Komisionit në formularin e përcaktuar në zarf të mbyllur me shënimin: "PARAQITJE NË KONKURSIN PUBLIK PËR NDARJEN E MJETEVE TË DEDIKUARA PËR MBËSHTETJEN E AFARIZMIT TË GRUAS" – TË MOS HAPET, dhe dorëzohet në Arkivin e Komunës së Tuzit" adresa Tuz 1/40 81206 Tuz, deri më 10.12.2025

XI. Komisioni hap zarfet e mbyllura të dorëzuara në kohë në mbledhjen e pare pas përfundimit të afatit për dorëzimin e kërkesave.

Nëse konstaton se shoqëria/afaristja nuk ka dorëzuar të gjithë dokumentacionin e përcaktuar në pikat VI dhe VII të këtij Konkursi Publik, Komisioni i bën thirrje shoqërisë/afaristes të korrigjojë mangësitë menjëherë dhe jo më vonë se tre ditë nga marrja e ftesës.

Në rast se shoqëria/Afaristja nuk e rregullon mangësinë brenda afatit, Komisioni do ta refuzojë kërkesën.

XII. Informacionet për të gjitha çështjet me rëndësi për pjesëmarrje në Konkursin Publik mund të merren çdo ditë pune gjatë afatit të aplikimit në numrat e telefonit: 069/460-440 dhe 068/855-658 dhe/ose në email: fisnik.gjokaj@tuzi.org.me dhe ermin.lulanaj@tuzi.org.me.

